

contranitens vehementius, quaeque adeo iucunde aut iniucunde adficiunt, non statim flectatur, planeque determinetur ad agendum extra se: sed spernat potius hos impulsus, dum facile actiuitate sua impetum eorum obnitentem vincit. Postquam autem hoc actiuitatis robur mens talis saepius est experta, audax fit, nullaque re extrinsecus adpellente admodum mouetur. Omnia contemnit altosque sumit spiritus. Liberum actiuitatis exercitium h. e. imperium, quale quid in perceptionsbus subigendis poscidet, in iis, quae extra ipsum sunt constituta, etiam affectat. unde omnia sibi subiecta & actiuitatis suae directionem prono impetu sequentia cupit, quae relationem quoque ad hoc imperium subiectionemque habent, ut sunt huius signa, media, impedimenta, remedia, omnium maxime afficiunt, laceſſunt, mouentque talem mentem. Hinc sequitur *Ambitio Cholerorum seu Amer honoris, audacia, aliaeque affectiones.*

§. IX.

Secundo loco considerandus actiuitatis gradus in homine est, cum Mens eis, quae in perceptionibus ipsam adficiunt, non facile mouetur & flectitur, sed firmiter resistit per conatum & tendentiam statum suum tuendi, cum constantia obnitentium sibi perceptionum impulsus excipit & tandem etiam tarde recipit, vestigiaque eorundem semel impressa tenaciter retinet, adeoque tarditatem receptionis firmitate retentionis compensat. Sed ea quae in perceptionibus ipsi obnituntur, nec actiuitate penetranti digerere, subigere aut vincere, nec agilitate amoliri, aut hoc illueve flectere potest. Qui gradus actiuitatis tribui potest *Melancholicis*. Hinc vero 1.) sicut prona consequentia fluit eiusmodi homines α) *memoria* excellenti praeditos esse: ita a defectu actiuitatis penetrantis, eorundem β) *Iudicii imbecillitas*, ab agilitatis defectu γ) *ingenii debilitas* deducenda venit. 2.) porro adparet huiusmodi homines impulsus per sensus externos excitatos, & vehementius, adeoque vel iucunde vel iniucunde adficiientes sustinere firmiter, & per eos non facile inclinari ad actiones perpetrandas. Suac enim impotentiac cum agilitate aut efficac-